

Кузь нэм да бур шуд!

Эжва йывлөн слава

Елена Григорьевна Трубачёва

Чужис 1937 вося декабр 28 лунё Печора районса Сыняньрд деревнян. Сыктывкарса медучилище помалом бөрүн 32 во уджалис Мысса фельдшерско-акушерской пунктон веськөдлысьён. Бөрйылисны сиктсөветса депутатон.

Верёсыскөд быдтис да велөдис нель челядьёс.

Бур уджысь сетисны СССР-лөн здравоохранениеса отличниклысь ним, «Уджывса ветеран» медаль да Коми АССР-лөн здравоохранениеса министерствосынь почёт грамота.

Оло Мысын.



Дардасор

Эжва йывса войтырлөн газет

Петё 1929 восянь

Субөта, 2011 вося апрель 23 лун

49 (10324)-өд №

Колё кө
лытём чери,
кай да кый
поноль улысь

(коми шусьёг)

ТӨДӨЙ, МЫЙ ВЫЛЫС

ЗАПТИСНЫ УНДЖЫК

Тавося куим төлысьён районса предприятияс (СЛПК улё пырысь предприятиясөс лыддытөг) заптисны 191,7 сюрс кубометр вөр, мый кольём воын серти унджык.

Сөмын гырысь предприятияс заптисны кольём воын серти 77 сюрс кубометрөн унджык. Медся ёна содтысис «В.В.Белый» котыр. Куим төлысьён сийё заптис 49,8 сюрс кубометр, мый кольём воын серти 37 сюрс кубометрөн унджык. Унджык заптисны и «Комилесбизнес» да «Оптима Лес» котыряс.

БӨРЙИСНЫ ВЫЛЫСЬ

Том йозлысь районса совет котыртөмсянь талун тырис куим во.

Сәни 27 морт. Юрнуодё, кужомон котыртё удж Куломдинса администрацияон веськөдлысьёс вежысь Сергей Рубан.

Войдөрлун советса членгяс вочисны вося уджлы кывкөртөд. Бур боксянь пасисны Дереванной, Куломдин, Куж, Помосдин, Пожог, Носим да Кебангёль сиктса администрациясөс, кодгяс районса мероприятиясын петкөдчисны медунаысь. Помосдинса, Пожогса да Югдыггаса администрациясөс видлисны выннысё и республикаын.

Советса юрнуодысьён вылысь бөрйисны Сергей Рубанос.

ОТСАСЬОНЫ УДЖТӨМАЛЫСЬЯС

Дзоньтасыны да сөстөммөдчоны Улыс да Вылыс Вочын.

Сидз, Вылыс Вочын уджтөмалысьяс дзоньталисны клуб, резьёдоны эновтөм керкаяс да стрөйбаяс, нуюждоны мосткияс.

Найё жё отсалоны корсьны олома йозос, война дырйи быдмом челядьёс, чукөртөны «Войнадырся челядь» альбом выло материал.

ВУДЖӨДЧОНЫ ПЫЖӨН

Пожог весьтын Эжва вомон йозос график серти вуджөдлөны мотора пыжөн, кодос вичмөдс сиктса администрация, уджтөмалысьяс А.А. Сенькин да В.А.Третьяков.

Оз кольны дё выло и Кырнышаса олысьяс. Танё Эжва вомон кутас вуджөдчыны аслам мотора пыжөн М.Е.Демин.

ПЕТКӨДЧИС «ИЮЛЬ»

Кольём субөтаё «Июль» котыр петкөдлис кыпыд концерт Коми республикаса юралысь бердын искусствояслөн гимназиян.

- Тайё лунас Сыктывкарын мунисны Ухта карлөн лунгяс, - висьталис «Июль» котырон веськөдлысь Людмила Яснецова. - Та вөсна чайтём, мый концерт выло локтасын этшаон, но зал вөли тыр.

Сыллисны роч и коми сыланкывгяс. Торйоннин йозлысь сёлөм вылас воисны Василий Лодыгинлөн да Василий Гуцинлөн сёлөм петасыс.

Асланым да общ. корреспондентгяс.

РАЙОН ВИДЗӨДСЬӨ БУРА



Апрель 19-21 лунгясө Коми республикаын Россияса МЧС-лөн Главной управление нуодис районнын комплексной прөверка да командно-штабной тренировка. Комиссия пырисны Коми республикаын Россияса МЧС-лөн Главной управлениес да Коми республикаса министерствосысь да ведомствосысь кывкутана уджалысьяс - ставис 16 морт. Веськөдлис сьон Коми республикаын Россияса МЧС-лөн Главной управлениеса начальникос медводдза вежысь В.В.Хиночек.

Могыс вөли сыын, медым видзөдлыны, тырвуйё-о лөсялоны оломлы муниципалитетлөн тэчасног, гражданской обороналөн службасын да котырясын вөр-васа

да мукөд неминучаяс олөдөм да лоөмторгяс венөм, йозос дорйөм да колігөн эвакуируйтөм могысь дасьтөм плангяс.

Командно-штабной тренировка мунис куим тшупөдөн. Видзөдлисны Куломдинса, Донса да Кебангёльса администрацияс, Югдыггаса да Куломдинса школаяс, төдмалисны, кызди дасьтөм Югдыггаса да Пожогса администрацияс ытвa кeжлө.

Сидзжө видзөдлисны, дасьтөм-о районса службас отсавны туй вылын неминучаяс веськалысьяслы. Быттьөкө «зурасисны «Икарус» автобус да вөр нуан машина.

Районса, Кебангёльса да Куломдинса администрациясөн веськөдлысьясөс нулисны рай-

онса электросетьяслөн база выло, петкөдлисны, кызди велөдоны дорйыны неминучаяс веськалысьясөс.

Комплексной прөверка да командно-штабной тренировкалы кывкөртөд вочисны комиссияс прөдседатель В.В.Хиночек, штабса начальник С.В.Горнев да медшөр специалист-эксперт В.Д.Моисенко. Сергей Владимирович да Владимир Дмитриевич висьталисны, мый районнын унатор вочсьө видзчысьтөм лоөмторгяс кeжлө дасьтөм да йозос дорйөм кузя, сиктса районгяс повстын Эжва йыв видзөдсьө бура. Сәк жө индисны тырмытөмторгяс да найос бырөдөм могысь туйвизгяс. В.Д. Моисенко выло донгялис эвакуация дырйи йозос

примитөм кузя документгяс бура дасьтөмысь Куломдинса да Донса администрациясөс.

В.В.Хиночек сувтлитытвa дырйи йозос дорйөм, вөрса озыөмгяс кусөдөм да гождөмын куйтчанінгяс лөсьөдөм выло. Сийө сетис Коми республикаын Россияса МЧС-лөн Главной управлениеса начальник О.П.Мануйлосынь районса администрациясөс общественной безопасности юкөнон вөвлөм веськөдлысь Н.Л.Белогангынлы районса олысьясөс дорйөмө ыджыд пай пунктөмысь, МЧС-көд отув уджалөмысь аттьөалана письмө.

Николай ЛЮТОЕВ.

Снимок вылын: став коланаторгыс би кусөд-весьяслөн дась.

МЫЙ МЕДОНА



Куломдинса ветстанциясы ветфельдшер Зинаида Михайловна Турьева:

«Ас овмөс кутысыя, скөт видзысыя мед ёнджык төждысисны пемөсыя вөсна, суис кө мог, шыөдчисны миян дорө. Ми быд здукө дасыөсь локны отсөгөн».

КЫВ БОСЬТӨ ДЕПУТАТ

ЙӨЗЛЫ ОТСӨГӨН

Тавося апрель 8-өд луно ме динө, кызди райсоветса депутат динө, шыөдчис Джеджим грездыс чужан му туялан музейон веськөдлыс З.С.Напалкова, корис отсыштны дзоньтавны музейлыс вевтсө, лөсьөдны пес лэбув да выльмөдны потшөс. Ме тода, мый Джеджимса музейо волөны кызди районсы, сідзи и республикасы, вөліны весиг Ямало-Ненецкөй кытшыс да Финляндиясы. Талун музей - джеджимса культуруналон шөрин, сы вөсна мый клуб абу. Музейын кыпыда муноны район тшупода мероприятияс, кружокьяс, йөзкөд аддысылөмгьяс, празникьяс да мукөдтор.

Зоя Степановналы ме вөзйи шыөдчыны районса юралыс Д.А.Шатохин дорө. Апрель 11-өд луно ми өтлаын пыралим сы дорө. Юралыс кызыс миянөс, видзөдалис музейс альбомгьяс да юалис, кутшөм материал да уна-ө колө. Зоя Степановна корис Дмитрий Александровичөс волюны Джеджимө да аслыс видзөдлыны музейлыс пытшкөсө да ортысө.

Апрель 19-өд луно ми юралыс көд волим Джеджимса музейо. Шөрьяг школаса директор Г.А.Напалкова да Зоя Степановна радшырыс вьсгалисны музейлөн озыр история йылыс, төдмөдисны экспонатгьясөн. Районса юралыс видзөдалис гөгөрбок да ошкис бур материал чукөртөм-видзөмыс. Шуис, мый смета серти колана дзоньтавны материал сийө корсысө, мыйсөрө эм нин.

Пыравлим и детсаидө. Госпожнадзорлыс тшөктөмторгьяс тырвийө вөчтөм вөсна сылөн абу лицензия. Веськөдлыс Е.А.Жирютина корис юралысөс отсыштны, мед выльмөдны потшөс. Машинаөн бөр лөччигөн Дмитрий Александрович телефон пыр сёрнитис нин велөдан управлениеса начальник О.А.Холоповкөд Джеджимса детсады да музейлы отсөг вичмөдөм йылыс.

Джеджимса музейлы отсөг вичмөдөм могыс сёрниті и Дон сиктса юралыс В.Н.Нехорошевкөд, коді пыр муно воча. Шуис, мый вежны музейлыс вевтсө, лөсьөдны пес лэбув да вөчны потшөс позяс сэк, кор уджөн могмөдан шөрин сетас общественной уджгьяс выльө сьом.

Джеджимса пыдди пуктана олыс, Шөрьяг школаса вөвлөм директор Текуса Николаевна Напалкова шыөдчис ме дорө ва юкмөс лөсьөдөм кузя. Ме бара жө шыөдчи Дон сиктса юралыс В.Н.Нехорошев дорө. Сийө босьтис төдвыль да шуис, мый кутасны уджавны та вылын.

Джеджимө волгөн районса юралыс көд пыралим и Текуса Николаевна дорө. Д.А.Шатохин шуис Текуса Николаевналы отсалом кузя өтвылыс мөвпыштлыны Донса юралыс көд.

Вьсгала Василий Николаевичлы депутат уджын отсөгыс да гөгөрвоёмыс ыджыд аттьө. Аттьөала сідзжө Дмитрий Александровичөс районса олысыяслөн төждгьяс вылын уджаломыс да олөмө пөртөмыс. Ми бөрийм сийөс бур выльө лачаөн. Мед жө ставыс артмас Ен да бур йөз отсөгөн!

Антонина КУЗНЕЦОВА,
райсоветса депутат.

Унаыс кывлі, мый кутшөмкө шофёрлөн машина гөгылыс панийс машинасө, но эз кывсыя, медым сысыс кодкө доймис. Но татшөмторйис неважөн лоис Куломдинын. И.В.Ракинлөн предприятиясы өти автобуслөн гөгылыс Куломдинса катыдпомын мынис да люкалис кувмоныс олөма аньөс. Республика пасыта кыптис зык, лоөмтор йылыс йөзөдисны весиг интернетын. Ме видлі туявны, мыйын делөыс.

- Мыйын лоөмторйислөн помкаыс,

КЫВ ШУАСНЫ ЭКСПЕРТЪЯС, ЛИБӨ МЫЛА МЫНЛАСЬӨНЫ МАШИНАСЛӨН ГӨГЫЛЪЯС

шуну сьөкыд, - вьсгалис ГИБДД-лөн районса юкөныс инспектор А.В.Харламов. - Кывкөртөд вөчасны экспертгьяс. Но мый районын туйяс шогмытөмөс да вермас лоны быдтор, тайө збыль. Эмөс и сэтшөм шофёргьяс, кодгьяс оз бура видзөдны техника бөрся. Муно машинаыс, и муно. А колө кадыс-кадө сувтлгөн видзөдлыны. Вөр новлөдлысыя оз видзөдны, өна-ө бура кутчысө сөвтөмторйис, да кергьяс гылалөны муніг-костыс.

Лоөмтор выльө аслас видзөдлас автобусөн йөзөс новлөдлан районса кытырөн веськөдлыс И.В.Ракинлөн. Сы серти, туйяс жугласьөмаөс сэтшөма, мый жугавны вермас көт кутшөм техника. Асфальта туйяс - гуран вылын гуран. Лым сылөм бөрын тшыкисны чорыд веркөстөм туйяс. Некытчө шогмытөмингьяс Керчөмгья-Зимстан-Дзоль туй вылын. Некумын лун эз вермыны вайны Зимстанө почта, новлөдлыны йөзөс. Районын туйяс эз нин дзоньтавлыны некумын во. Автобусгьясөн йөзөс новлөдлысыя та йылыс унаыс нин сёрнитисны районса администрацияын.

- Да, туйяс лөкөсө, но районлөн бюджетын дзоньталөм выльө сьом абу урчитөма, - вьсгалис неважөн аддысылгөн районса юралыс Д.А.Шатохин. - Тани колө чорыда юавны подрадчикгьясыясы, кодгьяс босьтисны туй юкөнсө дөзбөритөм выльө. Ми кутам уджавны та вылын.

Абу бур гараж, көні эськө позис видны автобусгьяс, дзоньтавны найөс бура. Иван Васильевичлөн сөмын повгьясыс вөчөм кык стрөйба, көні



эм дзоньтасыөм выльө гу. Сэк жө нель маршрут вылын ветлө квайт автобус. Шофёргьясыя тшөкыда лоө дзоньтасыны ывла вылын. Воддза вося нин И.В.Ракин шыөдчылис районса вөвлөм юралыс С.П.Каплин дорө, медым сетисны гараж улө вөвлөм райпотребсоюзлыс купшөн сулалыс склад, но сёрниөн и колис. Талун районса юралыс Д.А.Шатохин көсйисө разны гөрөдсө өдийө, вичмөдны казгыштөм складсө, та могыс кытыртны конкурс. Вермас лоны, мый вермысөн лоас И.В.Ракин. Но медым дзоньтавны стрөйбасө, вайөдны гаражөдз, ковмас пуктыны вель уна сьом.

Водзө выльө Иван Васильевичлөн эм мөвп кыпөдны Пятигорскын автобусгьясыя запчасьтгьясөн вузасын лавка. Запчасьтгьяс кутас вайны автобусгьясөн вузасыс «ЯрКамп» кытырылыс, коді вузалө донтөмджыкыс.

- Лоөмтор кузя верма шуну, мый уджалан стажыс сийө шофёрыслөн, кодлөн мынис гөгылыс, тырмө, медым новлөдлыны йөзөс сиктгьяс көстөд, - вьсгалис Иван Васильевич. - Уджалө бура и асывнас петө дзонь автобусөн. Верма ыстысыны сөмын лөк туйяс выльө да нөшта сы выльө, мый онія автобусгьясыя гөгылысө гартлөны оз воддза моз футеркаяс, а сөмын веськыд резьбаа гайкаяс, да та вөсна вермөны личавны өдийөджык.

Тайө гижөдын лоөмтор кузя некутшөм кывкөртөд вөчны ог вермы. Сийө лоас, кор асыыныс кыв шуасны экспертгьяс. Лыддысыясы ми быть юортам газет пыр.

Иван ТАРАБУКИН.

Авторлөн снимок вылын: тайө стрөйбасө көсйөны сетны йөзөс новлөдлысыясы гараж улө.

ТШУПӨДА ПАС

ОЗ ВУН НЕКОР

Апрель 26 луно тырө 25 во, кызди лоис Чернобыльса атомной электростанция вылын неминуца. Сийөс бьрөдны миян районсы ветлис 167 морт. Радиация уналыс «сейис» дзоньвидзалунсө, ветлысыясы лыдыс талун ловгьясө сөмын 98-өн.

- Неминуца бьрөдысыясы колисны асланыс майшөггьясөн, и медым кызкө дорйыны асынысө, сикт-поселокгьясын найө отувтчисны котыргьясө, - вьсгалис районса «Чернобыль» котырөн веськөдлыс А.Ю.Паршуков. - Медся өна водзмөстчөны сэтшөм юрнуөдысыясы, кызди Куломдиныс Л.А.Нестеров, Югьдгьягыс В.Н.Паршуков, Зимстаныс Н.Г.Рогов, Кебангьялыс А.М.Уляшев, Тимшерыс И.Н.Галацан, Помөсдиныс А.Н.Курочкин. Ота-мөд кытын кутам топыд йитөдгьяс.

Видзөдлас улө босьтисны Чернобыльө быд ветлысөс. Төдөны, кодлөн кутшөм төжд. Бур йитөдгьяс лөсьөдисны йөзөс социальнөя дорьян юкөнкөд, пенсия фондкөд, «Парма гор» районса газеткөд, кодгьяс гөгөрвоөны налыс сьөкыдлунгьясө да пыр муноны воча. Неминуца бьрөдысыясы быд во ветлөны Сыктывкарө отувгья сёрни выльө, кыпөдлөны майшөдланаторгьяс, отув корсыөны петан туйяс.

- Чернобыльө ветлыс пыис унаөн оз төждысыны асланыс дзоньвидзалун вөсна, - майшасис Анатолий Юрьевич. - Оз петкөдчывны врачгьясы, мед ас кадө эрдөдны вьсьом. Оз өнмөдчыны и ветерангьяслөн Сыктывкарса госпиталын. Виччысөны, кор вьсьом личкас дзикөдз. Бөр колө вьсьтны Кебангьялыс профилаторий, мед позис бурдөдчыны гортын.

Анатолий Юрьевич төдчөдис, мый 1986-87 восян неминуца бьрөдысыяслөн кө керканыс либө патераныс овны шогмытөм либө дзескыд (өти морт выльө колө дас квадратной метрыс оз этшаджык), налы Россияса правительстволөн 153 номера индөд серти, кызди и Великой Отечественной войнаса ветерангьясы, сетсө оланін выльө сертификат.

- Оз, некор оз вун Чернобыльын шог лоөмтор, торйөн нин неминуца бьрөдысыяслөн. Мый вөлі сөн, төдөны сөмын асыныс. Сиа Чернобыльө ветлысыясы да налөн семьясыясы өн дзоньвидзалун да кыпыд олөм, - кывкөртис А.Д.Паршуков.

Галина НЕСТЕРОВА.

СЕМЬЯ ДА ЧЕЛЯДЬ ВӨСНА - МЕДЫДЖЫД ТӨЖДЛУН

Коми республикаын 2011 во шуөма кагалөн воён. Та вөсна власьт сетө торгья төдчанлун семья сөвмөдөмлы, сылы бур вөчөмлы. Төдчана выльторгьяс лыдын - республикалыс мам капитал вынсьөдөм да кага ас выльө босьтөмыс пособие кызы пөв содтөм.

Коми республикаса юралыс Вячеслав Гайзерлөн вөзйөмөн, кагалыс во нуөдан план Госсовет вынсьөдис апрель 21 луно.

Кагалөн воын тайө планын, кыв шутөг, медся төдчанаөн лоө республикаса юралысслөн вөзйөм серти тавося январь 1 лунсян коймөд да водзө кага чужтөм бөрын 150 сюрс шайта республикаса мам капитал сетөм. Тайө сьомсө бать-мам вермасны видзны асланыс коланлун серти кагалы во джын тырөм бөрын. Та выльө республикалөн бюджетыс мунас 184 миллион шайт, артыштөма 1229 кага выльө.

Тавыс өддор, урчитөма содтыны кага ас выльө босьтөмыс 10 сюрс

КАГАЛӨН ВО

шайтеянь 200 сюрс шайтөдз (омөля сөвмыс - да вежөртгьяс кагабс босьтөмыс - 15 сюрс шайтеянь 250 сюрс шайтөдз). Та выльө содтөд торйөдасы 12 миллион шайт.

Урчитөма кыпөдны 12 детсад да начальнөй школа, ньбны сиктса школагьясы 13 автобус, сідзжө лэптыны спортлыс көкьямыс объект, вит выль школа, Сыктывдин районса Зеленецын батытөм-мамтөм челядылы керка. Торгья туйвизь серти кутасны сөвмөдны сідз шусяна дистанционнөй велөдөм.

Планын ыджыд төдчанлун сетсө челядылыс дзоньвидзалун өнмөдөмлы, санаторийасын да мукөдлаын шойчөдөмлы, вермана уджөн могмөдөмлы, нөбасигөн да кага вайигөн нывбаба вөсна төждысөмлы.

«Планыс - пыдисянь мөвпыштөм-


тор, уджалөм выльө подув. Сийөс колө содтыны лөсяланторгьясөн да пөртны олөмө республикаса быд районын да карын. Ме кора местаяс вылын муниципальнөй котыргьясыясы лөсьөдны да вынсьөдны кагалыс во нуөдөм кузя асыыныс плангьяс. Кута лача, мый тайө плансө отсалас пөртны олөмө и бизнес котыр, сы лыдын челядылы спортлыс ворсанінгьяс вөчөм, школагьсөс оборудованиөн могмөдөм да мукөдтор кузя», - шуис план видлалгөн Вячеслав Гайзер.

Сийө содтис, мый дась видлавны быд вөзйөм, медым пыртны планө да пөртны олөмө сувтөдөм моггьяс. Республикалөн позянлунгьяс серти семьялы отсалан план кутас содны выль пыртөмторгьясөн.

Куломдин районын семьялы отсаломкөд йитөдны кыпаласыны Мысын 40 места выльө школа-сад да Ягкөджын 49 места выльө школа.

Антонина ЛАПУНЬКОВА.

БУР ЮӨР



ЫДЖЫД ЛУН

Быд во православной сятарыйс. Уна автор йоз ыдждодлоны Христос ловзьом кузя Ыджыд лун. Тайо лоомторыйс, Христос ловзьомыс, вөлі Иерусалимын Христос чужомсян 33 во мысти. Ёна нойтом бөрын Иисус Христос пуктисны Аримафейса озыр морт Иосифлон гортйө. Меститисны сийос из горсийө - тадзи куломаясөс дзеклисны Асыввылын. Из горалысь пыранисө тупкисны ыджыд изйон, сувтөдисны видзсысөс, медым Иисусөс эз гусявны Христослон велөдчысыс да шуны, мый сийө ловзис. Сы вөсна мый Иисус Христос пыр шулис йозлы, мый сылы ковмас ас вывтыс нуны йозлысь грекьясөс, а коймөд лунас ловзяс. А найө эз эскыны.

Кызди шуис, коймөд лунас лоис тайө гу-



святарыйс. Уна автор төдчөдоны та йылысь асланыс исторической гижөдъясын. На пиысь өти, грек Гермидий, код вөлі Иудаясон веськөдлысьлон официальной биографон. Христосөс крест вылө лэптытөдз лыддис сийос ылөдчысьон. Сы вөсна коймөд лун тырөм водзас, войнас, аснаукон локтис горт дорас эскөмөн, мый Христос оз ловзы да пыр кежлө коляс муын. Но лоис мөд ног. «Горт дорө матыстчигон, - гижө Гермидий, - асья рөмыднас казялим горт видзсысөс: кыкөн пукалисны, мукөдыс куйлисны му вылын. Вөлі чөв-лөн. Ми муним ньөжйоник, пановтисны миянөс видзсысөс вежысыс. Друг югдис. Эг гөгөрвоий, кысян воис югөрыс. Но сөсся казялим, мый енэжөд кывтис кымөр юрсян. Лэччис сийө горт дорө, и му вылын петкөдчис морт - югьялис ставнас. Сөсся гымыштит, эз енэжас, а му вылын. Видзсысачечыштитисны быдсөн, сөсся усисны. Сийө кадас миянсян веськыдывса ордымөд горт дорас лэччис нывбаба, друг горөдис: «Воссис! Воссис!» И сийө здукас адзим, мый горт вылын куйлысь ыджыд изйис ачыс кыптис да



кыпид праздник. Йоз ыдждодлоны сийос помтөм кыпидлунон, радлунон - өд ловзис Христос! Пызан вылын мича куличьяс, кодьясөс вежөдө вичкоын служба бөрын вежа ай. И мичмөдөм чипан колькьяс, кодьясөс козыналам өтамөдлы. И, дерт жө, кылө өта-мөдөс радейтөм, кор весиг төдтөм йөзөс вочаалам «Христос ловзис!» кывьясон, а воча кылам: «Збыльсь ловзис!»

Вежа Ыджыд лун -

КЫДЗИ ТУПКИСНЫ ОБРАЗЛЫСЬ СИНСӨ

Ссылкаын олігөн кутисны котырчавны колхозьяс. Пукалысь айловьясөс тшөтш кыскисны өтувья уджө - индिसны кыпөдны вөвьяслы карта. Стрөйтчанисьян матын олысь аньөс бригадир корис: «Анна Ивановна, тани вөв карта кыпөдны, мужичөйяслы колө пусыны!» Могмөдисны колана вөлөгаон - няньон, шыдөсөн, градыв пуктасөн, яйон. Ань пусис и вердис уджалысьясөс. Матыстчис ыджыд видз. Кызди и пыр, вайисны яй, шыдөс да мукөдтор. Анна Ивановна и шуө: «Онй өд Ыджыд видз. Ті Енлы эскысь йөз. Яй сөйны оз позь. Меным кызкө пунысө сийөс сөлөм оз лэпты». А бригадир сылы: «Абу тэнад делө. Мужичөйяс уджалөны, найөс колө вердны бура. Ачылд кө он көсйы, эн сөй!»

Локтисны мужичөйяс пажнайтны, Анна буретш пуис чөскыд яа шыд, пражитис яй. Кызди и тшөктисны. Но сөлөм вылас деливо: «Кызди ті кутанныд сөйнысө, өд онй видз?» И петис вердчанисы. Нурьясяннын пызан весьтын стенин өшалис образ. Мужичөйяс вежавидзөмөн видзөдльылсисы вылө. Иван өтнас смелмөдчис: босьтис кичышкөд да кайис лабич

вылө. «А ми Енлысь онй тупкам синсө, мед эз аддзы, кызди кутам сөйны яй. И миянлы оз ло грекыс». Көзаяка нинөм тайөс эз аддыв. Пажун бөрын «повтөм» мужичөйяйд бөр разис образсыс кичышкөдө шуалөмөн: «Со вот Енмыс нинөм эз аддыв». Сөмын онй казялис Анна Ивановна да шуис: «Тэ мый вөчан Иван, йөймин? Ойө кор Енмыслысь прөща». Мөдыс сөмын ышняис: «Енмыс кө эм, мед менө мыждас. Миянлысь ставнымлысь тай ставсө мырддисны, асьнымөс мөдөдисны татчө, а Енмыс некодөс эз мыжды. И ог эскы онй, мый сийө эм».

Кор Иван локтис гортас, лоомтор йывсыс висьталис Евдокия гөтырысылы. «Ой-ой, мый нө тэ вөчин! Кор прөща Енмыслысь да кайтчы!» - повзөмөн корис сийө. А Иван сылы: «Эм кө Енмыс, мед менө мыждас. Эн бөрд, Евдокия, мыждас кө и мыждас, зато кута төдны, мый Енмыс збыльсь эм».

Сідзи и водис Иван. Асывнас чеччис көзаякаыс, мунис пачводзө. Сы бөрся чеччис и көзаяныс, карасина лампа зліс озтыны. Гөтырыс чуймис: «Иван, тэно мыйла лампасө озтан? Од шөнді нин кыпөдчө, югыд нин». «Ку-

тшөм югыд, дзик пемыд!» Оти истөг озтис, сотчө, нинөм оз аддзы. Мөд истөг босьтис. Гөтырыс мырддис истөг көрөсө, озтис истөгсө син водзас и юалө: «Онй аддзан?» А сийө сөмын киянас пызан вывөс тапкөдө, корсьө лампа. Ни истөг, ни шөнді - нинөм оз аддзы. Сьөд вой сылы воис.

Гөтырыс бөрддис: верөсыс синтөммис. Сөмын сөки Иван гөгөрвоис: Енмыс босьтис сылысь синсө, сідзкө, сийө эм! «Ойө мунам больничаө», - шуө гөтырыс. «Больничаөд оз отсав, - вочавидзө Иван. - Енмыс менө накажитис». Евдокия усис пидзөс вылас, образьяс водзын кевмысис верөс вөснаыс. «Мый тэ бөрдан? - шуө Иван. - Ме өд ачым кори. Со и мыждис Енмыс». Войнас вөтасө: сийө образсыс Дорйясыс, код вылын сералис, шуө: тэ пө менсьым синмөс көрталін, а ме тэньсыд! Нелямын лун кольөм бөрын Иван заводитис аддзыны. Тыдалө, гөтырыс сы вөсна сьөлөмсянныс кевмысис. Тадзи Иван лоис йөзөс Енлы эскыны ышөдысьон.

Тайө вөлі 1932-33 воясын Томской областылөн войвылын, Нарынской крайын, кытчө мөдөдлісны мыждөм йөзөс.

Протоиерей Валентин БИРЮКОВ.

ВЕЖА ОЛӨМ: ВОДЗТІ ДА ÖНІ

Помөсдинө пыригөн на син улө усьө нөрыс вылын сулалысь Успенньө вичколөн көлөкөляныс. Водзті сиктын вөлөма вежа Микөла Угодниклөн пуысь вөчөм вичко. 1906 воын Великоустюгса да Тотемса архиепископ благословитөма лэптыны изйись. Шуисны, медым кыпалис сийө кыпид, вылын местаын. Панисны Успенньө вичко пожөма ягө. Вежа крам лэптөм - сьөкыд удж. Ас кирпич вөчисны Ниа нөрысын да Мөдлапөлын, сотисны пачын, а сөсся вөлөн новлісны стрөйтчанинө. Отсасыны волисны бригадир Казаковлөн юрнуөдөм улын весиг Көрткерөсысь вежалысьяс. Ыджыд пай уджас пуктисны и матигөгөрся сиктъясын олысьяс.

Мастер йөз кужөмөн мичмөдисны вежа керкасө. Джуджыд гөптын гудралисны извесът да сийөн мавтисны вичколысь ортсы стеньяссө. Лоис юсь кодь еджыд. Пытшкөссянныс стеньяссө мичмөдисны образьяс серпасалөмөн. Ульянаыс киподтуя йөз пуысь, ыргөн рөма краскоб мавтөмөн, вөчисны андельясөс. Онөдз на бур йөз видзөны гортаныс андельясыслысь торьясөс. Вичколысь йөрсө гөгөртисны кирпичысь вөчөм заворөн, сылысь вывөс вевтисны көрт листон. Көнскөрө вөчисны мичаа серлөдлөм потшөс. Пыран туйсө вольсалисны кирпичөн.

Вичко стрөитисны джуджыд көлөкөлянөн, өшалис сэк нель жыннян. Шыыс кывліс Бадьельйив грездөдз, кодь сулалө 12 километр ылнаын. Ыджыд Ен празникьясө мичаа ворслисны, коралисны йөзсө служба вылө. Суліс кө сиктасясөс шөг, жыннян горалис нора.

Вичколөн стрөйба юкис кык пельө, сідз шусяна «шоньд» да «көдзыд» вылө. «Шоньдсө» помавлісны стрөитны 1825 воын, вежөдисны 1830 вося декабр 18 лунө. Сэні вөчлісны гусяторьяс: висьтасисны, дарьясисны, нуөдисны литургия, висьсысөс мавтисны вежа вийөн, босьтисны венеч. «Көдзыдсө» вежөдлісны 1826 вося март 14 лунө. Сэні сьылөдлісны куломаясөс.

Вичко веськыдвылын изйись вөчөм плитаясон вевттьөм гуяөс гуавлісны служитысьясөс. Вежа крамлөн пыран жырыын сулалис ыргөн доз, көні вежа ай пыртис, пернапасалис пучужөм кагаясөс да сэк жө пуктылыс налы ним. Вежа ай пыр вөлі мича паськөма, сылөн кузь парчась риза вылын дзирдалис ыджыд перна. Ыджыд сьөлөмөн нуөдис бур эскөдөмтяс, велөдис эскыны Енлы, кывзысьны, вежавидзны, радейтны өта-мөдөс. Клирос вылын сьыллісны мичаа юргысь, кыпид гөлөса Педот Педөр, Косьта Ладимер, конной Косьта да мукөд.



Успенньө вичко дыр кад вөлі йөзлөн юрнуөдысьон да найөс өтувтисьон. Служитлісны сэні Ипполит Попов (1824 воын), Опонь Степан Куратов (1891-1899 воясын), Микөлай Микөлай Доброумов (1899-1903 воясын) да Олеш Олексей Тюрнин (1903-1931 воясын). 1931 вося арын протоиерей Олексей Тюрнинөс арестуйтисны да нуисны дзескыдинө, мыждисны 58 статья кузя, ыстисны вит во кежлө Беломоро-Балтийской канал стрөитанинө. Мөдысь, 1937 вося октябрь 2 лунө, арестуйтөм бөрын лыйлісны судтөг да туявтөг, кызди и мукөд вежа айясөс. Онй найө Ен дорын миян вөсна кевмысьсыс. На лыдын и священномученик Дмитрий Спасский, кодөс Вылыс Эжва йылын, Подораын, мучитис да лыйліс Гөрд Армиялөн комиссар Мандельбаум. Вежа айлысь шойсө войнас гусьон вайисны гуавны Помөсдинса шойна вылө. Онй сэні сувтөдисны сылы казтылана крест. Сентябр 19 лунө, Дмитрий Спасскийөс ыдждөдлан лунө, Енлы эскысьяс ветлывлөны креста туйө.

2003 вося февралынь Енлы эскысьяслөн котыр пөрөдис кер Дмитрий Спасскийлы сийөм вичко стрөитөм вылө. Кыпөдисны сийөс Успенньө вичко гөра горулө. Воссис Енлы эскысьяслы чукөртчылөм вылө юрбитан жыр. Служитны волөны талун Сыктывкарса да Воркутаса епархияысь вежа айяс.

Снимок вылын: **важся да өнія вичкояс.**

Лист боксө дасьтис Галина НЕСТЕРОВА.

Коллектив учителей Усть-Куломской средней школы поздравляет **Ирину Степановну Короткову** с юбилеем!

От всей души поздравляем с юбилеем, Пусть грусть и беда обойдут стороной, Пусть в доме всегда будет мир и покой. Пусть каждый день удачу Вам приносит, Пусть солнце светит Вам всегда. Пусть в Вашей жизни не наступит осень, И медленней бегут года.

Поздравляем дорогого папу, мужа и дедушку - **Владимира Аркадьевича Попова** - с юбилеем!

Пусть в этот день забудутся печали, И солнце улыбнется пусть с утра И пожелает ласково лучами На годы долгие добра. Желаем счастья и здоровья, Желаем бодрости и сил, Чтоб каждый день обычный в жизни Одну лишь радость приносил.

Жена, сын Константин, Софья, Дмитрий и их семья.

Чолөмалам ассыным уджэртөс - **Галина Михайловна Напалкова** - зарни юбилейон - **50 арөс тырөмөн!** Сьолөмнад пыр том, көг вояс муноны, Сиам ыджыд шуд, мед шогъяс вунөны. Кыпыд олөм, дзоньвидзалун пыр Лоасны мед тэкөд орччөн дыр. Ставным пыдди пуктам сибид мортөс, Бура уджалысьсө да шань эртөс!
Дон сиктысь «Колосок» МДОУ-са уджалысьяс.

Пёся чолөмалам Кулөмднысьс дона вокөс - **Анатолий Борисович Нестеров** - юбилейон!

Сиам ён дзоньвидзалун, помасьлытөм шуд, быдлунгя олөмын кыпыдлун да радлун, семья пытшкын тыр-бур олөм. Ло пыр жө татшөм збодерөн, авъяён, шаньон да ставлы коланаён, йөз дорө сибидөн. Вольной светсьяс став мич-лунсө да бурсө тэныд. Кузь нэм да лөнь шуда олөм.

Вок, чайяс, став рөдвуж.

Поздравляем **Владимира Аркадьевича Попова** с юбилеем!

На свете дат немало разных, Но эта дата всех светлей - У Вас сегодня светлый праздник, У Вас сегодня юбилей. И мы сейчас со всей любовью Вас поздравляем с этим днём, Желаем доброго здоровья И счастья личного во всём!

Семья Власовых.

25 апреля 2011 года с 14.00 до 15.00 часов на базе общественной приемной Главы Республики Коми состоится «прямая линия» о деятельности Следственного комитета РФ по РК по противодействию коррупции. На вопросы жителей республики ответят: Басманов Николай Алексеевич – и.о. руководителя Следственного управления Следственного комитета РФ по РК, Исаев Андрей Николаевич – первый заместитель руководителя Следственного управления Следственного комитета РФ по РК, Новикова Татьяна Ивановна – старший помощник руководителя управления по взаимодействию со СМИ. Звонков граждан ждут 25 апреля с 14.00 до 15.00 по телефону: (8212) 285-298.

26 апреля 2011 года с 15 до 16 часов Усть-Куломский филиал Республиканской общественной приемной Главы Республики Коми организует прямую линию и личный прием граждан на тему «Работа службы участковых уполномоченных милиции». На вопросы населения ответит начальник отделения участковых уполномоченных милиции подполковник милиции Нецаева Ирина Александровна Телефон «прямой линии» - 94-4-85, личный прием будет проводиться по адресу: с.Усть-Кулом, ул.Советская, д.39, каб.7.

25 апреля

в районном доме культуры с.Усть-Кулом **НИЖЕГОРОДСКАЯ ЯРМАРКА. Головные уборы** в коллекции «Весна-Лето-2011».

25 апреля на центральном рынке с.Усть-Кулом **состоится продажа рыболовных снастей: сети, полотно, мормышки и др.**

ПРОДАЮ

комнату в малосемейке площадью 18 кв.м в центре города Сыктывкар. **Цена 850 тыс.рублей. Торг.** Тел. 8 904 102 9240.

ООО «ОКНОКОМ» ОКНА ПЛАСТИКОВЫЕ

При заказе окон в апреле - теплые откосы **В ПОДАРОК.** Беспроцентная рассрочка до 6 месяцев. **Пенсионерам скидки.** с.Усть-Кулом, ул.Гагарина, 5 (2-й этаж). Тел.: 8 912 863 29 95; 8 922 272 32 89.

ПРОДАЮ

УАЗ «Патриот» бортовой, тент, 2008 года выпуска, резина «зима-лето», музыка. В хорошем состоянии. Тел.: 8 912 566 0985; 99-5-09.

ПРОДАЮ **порсят. ПОКУПАЮ**

жеребят и лошадей. Тел.: 8 922 584 6022; 8 919 676 6621.

26-27 апреля в с.Усть-Кулом на сельхозрынке (территория хлебозавода) **состоится распродажа ШУБ** от 10000 рублей, из норки от 50000 рублей. г.Киров.

26-27 апреля в с.Усть-Кулом на сельхозрынке (территория хлебозавода) состоится продажа **ОБУВИ** производства лучших фабрик Санкт-Петербурга. **Женская обувь с 33 по 43 размер. Мужская обувь с 38 по 49 размер. Коллекция «Лето-2011».**

ПРОДАЮТСЯ:

* автомобиль «Opel Zafira», 2007 года выпуска. Тел.: 8 912 155 3073; * благоустроенная 3-х комнатная квартира площадью 74,4 кв.м. В кирпичном доме, второй этаж, по адресу ул.Ленина 5 «б». Обращаться по тел.: 8 912 155 3073; 8 912 869 7852.

КИРОВСКАЯ ОБУВНАЯ ФАБРИКА

25 апреля в с.Усть-Кулом, 26-27 апреля в с.Помоздино проводит ярмарку-продажу **ОБУВИ из натуральной кожи, российского трикотажа, курток.** (В с.Помоздино принимает обувь на ремонт).

КИРОВСКАЯ ОБУВНАЯ ФАБРИКА

принимает на ремонт и выдает готовую обувь: в с.Усть-Кулом 25-26 апреля с 9 до 18 часов возле гостиницы «Барс»; в с. Мьелдино 27 апреля с 9 до 10 часов у школы; в с. Усть-Нем 27 апреля с 10 до 12 часов у магазина; в п. Югыдыг 27 апреля с 12 до 15 часов у клуба; в п. Зимстан 28 апреля с 10 до 17 часов. **В продаже товары для рыбалки.**

ПОЖАЛУЙСТА, ПОМОГИТЕ, ЛЮДИ ДОБРЫЕ! Моему сыну 1 месяц, нужна срочная операция. Диагноз - поликистоз почек. Будет пересадка почек в Москве. Помогите и окажите материальную помощь. Большое спасибо вам заранее! Пожалуйста, откликнитесь, помогите Данилушке. Мама - **Чаланова Наталья Сергеевна.** Счет: 423 018 108 280 400 208 85 01.



КАЗЬТЫЛӨМ

25 апреля 2011 года исполняется год, как ушел из жизни наш муж, отец, зять из села Дон **Сорокин Игорь Николаевич.** Никак не утихает боль при понимании того, что ты ушел так безвременно и навсегда. Мы любим тебя. Ты останешься в памяти молодым, красивым, сильным и любящим. На другом свете пусть израненная душа твоя приобретет покой. Тех, кто знал Игоря, просим помянуть его вместе с нами. **Жена, дочь, мама, папа, шурины и вся семья Тимушевых.**

КАЗЬТЫЛӨМ

Апрель 22 лунө тырис нин 25 во, кыдзи эновтис таладор югыдсө мян радейтана мам, инька, пöч - Керчомъяысь **Аграфена Павловна Лютюева**, кодөс сиктсаяс тöдлiсны Павел Öгрöпөнөн. Зэв жаль, мый мунiн сэтшöм водз, эн нин аддзыв бöрынджык чужöм внук-внучкатö, көдзыдөн колiс зэв няня-сола да шоныдлуна муса керкаыд. Сиктсаяс тэнö пыдди пуктiсны олан сямьсь, вескыдлунысь, зильлунысь. Кодi тöдлiнныд да помнитанныд, казътыштöй мянкöд тшöтш Павел Öгрöпөнөс. Мед югыдын да шоныдын лоас сьлөн лолыс. **Пи, монь, внук-внучкаяс, правнучка.**



ПОЖАЛУЙСТА, ПОМОГИТЕ!

Большое спасибо всем добрым людям, которые откликнулись на призыв о помощи и помогли материально Игнатовой Сонечке. С вашей помощью мы собрали средства на лечение в Москве. Но, к сожалению, болезнь прогрессирует, и теперь Москва не берет нас на лечение в виду отсутствия в Российской Федерации медикаментов, способных помочь девочке. Остается надежда на зарубежные клиники, но они стоят еще дороже. Пожалуйста, откликнитесь, помогите Сонечке! Мама Игнатова М.В. Перечислить средства можно на расчетный счет Коми регионального некоммерческого детского благотворительного фонда "Сила добра" с пометкой "Благотворительный взнос для Софьи Игнатовой". **ИНН/КПП 1101502094/110101001** **ОГРН 1101100000550** Реквизиты банковского счета Коми ОСБ 8617, г. Сыктывкар. **Р/С 40703810028000008645.** **К/С 30101810400000000640.** **БИК 048702640.**



КАЗЬТЫЛӨМ

Апрель 26-öд лунö тырö во, кыдзи кадъсь водз эновтiс таладор югыдсö бур сьöлöма ань - **Елена Валерьевна Мингалёва**, сиктса ногөн фельдшер Лена. Некудзи на оз эскысьсы, мый тайö небыд сьöлöма, шань да сибид нюмсора уджач мортъс абу нин мянкöд орччөн. Эз повлы ни уджысь, ни йöзъсь. Некор эз кужлы öткажитлыны, пыр вöли дась сетны отсöг. Ёна радейтлiс олöмсö, ыджыд сямнас да вежорнас уна йöзöс сувтöдiс кок вылö. Быдөн сивавлыны сы ордö, быд пырысьсө паньдалiс тыр пызанөн да пöсь чайён. Лыддыны он куж, кымын морт новлö сылысь кыём мича сера носки-кепысьсö. Сьöлöмын колiсны сöмын шог да казътылöмъяс. Ставнысь, кодъяс тöдлiсны тайö шань аньсö, корам казътыштны бур кивийөн. Югыдiн да шоныдiн мöдар югыдас ,дона Ленук. **Матысса рöдвуж да пöдругаяс.**

Коллектив МОУ «Помоздинская СОШ» выражает соболезнование Уляшевой Августе Фёдоровне в связи с безвременной кончиной мужа - **УЛЯШЕВА Николая Ивановича.**

Коллектив УПФР в Усть-Куломском районе Республики Коми выражает глубокое соболезнование начальнику отдела Елфимовой Ольге Егоровне в связи со смертью **ОТЦА.**

ПЕТÖ ВОТОРНИКÖ, ЧЕТВЕРГÖ ДА СУБÖТАÖ

Редакциялөн адрес: 168060, Кулөмдiн, Ленин нима улiча, Печать керка.

Редакциялөн расчётной счётъс - **407 038 104 280 441 000 28**

Сыктывкарса 8617 номера Коми ОСБ-ын. **ИНН 1114000824**

E-mail: sden2011@yandex.ru

Публикация материалов по освещению реализации социально значимых проектов осуществляется при государственной поддержке в форме субсидии Агентством Республики Коми по печати и массовым коммуникациям.

Главной редактор - 94-5-77; редакторöс вежысь - 94-8-64; бухгалтерия - 93-9-34 (факс); реклама юкөн, корректор, социальной проблемаяс да письмöяс юкөн - 94-5-80 (факс); экономика юкөн - 94-8-65; компьютерной юкөн - 94-3-60.

Газет регистрируйтöма Коми республикаын сьвязьлөн, юбр сетан технологияслөн да массöвöй коммуникацияслөн юкөнбн видзöдан федеральной службалөн управлениеён. Рег. номер - ПИ № ФС 3-0447.

Заказ 1702. Тираж 2950. Индекс 52062. Объём 1 п.л.

Доныс вузöс вылö сёрнитчöм серти.

Поступающие материалы редакция не возвращает, перевод на коми с автором не согласовывает.

Главной редактор **В.Г.ЛОДЫГИН.**

Кырымалöма печатöб 14 часын.

График серти - 14 часын.

Учредительяс:

«Кулөмдiн» муниципальной котырса муниципальной районлөн администрация, Коми республикаса печатльöн да массöвöй коммуникацияслөн агентство, «Кулөмдiн» муниципальной котырса муниципальной районлөн «Парма гор» газет редакция» автономной учреждение.